

Հայաստանի Հանրապետության օրենքում փոփոխություններ և լրացումներ կատարելու մասին>>

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

**<<ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՉԻՆՎԱԾ ՈՒԺԵՐԻ ԿԱՐԳԱՊԱՀԱԿԱՆ
ԿԱՆՈՆԱԳԻՐԹ>> ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

ՀՈՂՎԱԾ 1. <<Հայաստանի Հանրապետության կարգապահական կանոնագիրք>> Հայաստանի Հանրապետության 2012 թվականի մարտի 21-ի ՀՕ-91-Ն օրենքի (այսուհետ՝ Օրենք) 19-րդ հոդվածի 1-ին մասի 3-րդ կետում <<նախկինում հանցագործություն կատարած>> բառերը փոխարինել <<դատվածություն ունեցող>> բառերով:

ՀՈՂՎԱԾ 2. Օրենքի 23-րդ հոդվածը լրացնել 5-րդ մասով՝ հետևյալ բովանդակությամբ.

<<5. Սույն օրենքի 5-րդ գլխում սահմանված յուրաքանչյուր տեսակի կարգապահական իրավախախտման համար նախատեսված կարգապահական տույժերի ցանկը սպառնիչ չէ և սույն օրենքի 22-րդ հոդվածով սահմանված նպատակների ապահովման շրջանակներում կարող են կիրառվել նաև սույն հոդվածի 1-ին մասում նախատեսված այլ կարգապահական տույժեր:>>:

ՀՈՂՎԱԾ 3. Օրենքի 27-րդ հոդվածում.

1) 2-րդ մասի՝

ա. առաջին նախադասությունում <<ամիս>> բառից հետո լրացնել <<՝ բացառությամբ հասցված նյութական վնասի հայտնաբերման դեպքի, որի պարագայում կարգապահական տույժ չի կարող տրվել, եթե նյութական վնասը հասցնելու օրվանից անցել է երեք տարի>> բառերը.

բ. երկրորդ նախադասությունում <<ընթացքում>> բառից հետո լրացնել <<՝ չհաշված գինձառայողի ժամանակավոր անաշխատունակության պատճառով բացակայության կամ գործուղման կամ արձակուրդի մեջ գտնվելու կամ

նշանակված ծառայողական քննության կամ ծառայողական քննության կասեցման ժամանակահատվածները>> բառերը.

2) 3-րդ մասում լրացնել նոր նախադասություն՝ հետևյալ բովանդակությամբ.

<<Կարգապահական տույժ տալու մասին հրամանը և/կամ հաշվառման (ծառայողական) քարտում կատարված գրառումը ստորագրությամբ ներկայացվում է զինծառայողի ծանոթացմանը, իսկ զինծառայողի պահանջի դեպքում նրան տրամադրվում է նաև քաղվածք՝ կարգապահական տույժ տալու մասին հրամանից և/կամ հաշվառման (ծառայողական) քարտում կատարված գրառումից:>>.

3) 4-րդ մասում լրացնել նոր նախադասություններ՝ հետևյալ բովանդակությամբ.

<<Ծառայողական քննության ընթացքում Հայաստանի Հանրապետության քրեական օրենսգրքով սահմանված հանցագործության հատկանիշներ հայտնաբերելու դեպքում այդ մասին զեկուցվում է ծառայողական քննություն նշանակված հրամանատարին (պետին) և նրա հանձնարարությամբ տեղեկացվում է քրեական հետապնդում իրականացնող մարմնին, և ծառայողական քննությունը կասեցվում է: Տեղեկացման շրջանակներում քրեական հետապնդում իրականացնող մարմնի կողմից քրեական վարույթի հարուցումը մերժելու դեպքում ծառայողական քննությունը վերսկսվում է, իսկ քրեական վարույթի հարուցվելու դեպքում ծառայողական քննությունը վերսկսվում է քրեական վարույթով ուժի մեջ մտած վերջնական որոշումը ստանալու օրվանից 3 աշխատանքային օրվա ընթացքում:>>.

4) 5-րդ մասում <<ծառայողական քննություն,>> բառերից հետո լրացնել <<ծառայողական քննությանը մասնակցելու պահից գրավոր ծանոթացվում է անցկացվող ծառայողական քննության շրջանակներում իր իրավունքներին և պարտականություններին, >> բառերը.

5) 8-րդ մասի առաջին նախադասությունում <<իրավունքը>> բառից հետո լրացնել <<կամ եթե կարգապահական տույժը չի բողոքարկվել>> բառերը.

6) 9-րդ մասը շարադրել հետևյալ խմբագրությամբ.

<<9. Չինծառայողն իրավունք ունի իրեն տրված կարգապահական տույժը բողոքարկել կարգապահական տույժը կիրառած հրամանատարի (պետի) նկատմամբ սույն օրենքի 5-րդ հոդվածով սահմանված կարգապահական իրավունք ունեցող վերադաս հրամանատարին (պետին)՝ սույն օրենքի 47-րդ հոդվածի 2-րդ մասում սահմանված ժամկետում, կամ դատական կարգով: Քննարկելով բերված բողոքը՝ իրավասու հրամանատարը (պետը) իրավունք ունի՝

1) բավարարելու բողոքն ամբողջությամբ կամ մասնակիորեն՝ փոփոխել կարգապահական տույժի տեսակը կամ կարգապահական տույժ կիրառելու մասին հրամանը ճանաչել անվավեր.

2) մերժելու բողոքը՝ կարգապահական տույժ կիրառելու մասին հրամանը թողնելով անփոփոխ:>>:

ՀՈՂՎԱԾ 4. Օրենքի 28-րդ հոդվածի 1-ին մասում <<կարող են հայտարարվել>> բառերը փոխարինել <<հայտարարվում են>> բառերով:

ՀՈՂՎԱԾ 5. Օրենքի 30-րդ հոդվածի 1-ին, 6-րդ, 7-րդ և 8-րդ մասերում <<որպես խրախուսանք>> բառերը հանել:

ՀՈՂՎԱԾ 6. Օրենքի 31-րդ, 32-րդ, 33-րդ, 34-րդ, 35-րդ, 36-րդ, 37-րդ, 38-րդ, 39-րդ, 40-րդ, 41-րդ, 42-րդ, 43-րդ և 44-րդ հոդվածներում <<արտահերթ.. բառից առաջ լրացնել <<աշխատանքի>> բառը:

ՀՈՂՎԱԾ 7. Սույն օրենքն ուժի մեջ է մտնում պաշտոնական հրապարակմանը հաջորդող օրվանից: